

Wiener Stadt- und  
Landesbibliothek

2Ew

**EK** 13636

A


MA 8 - 50 25 - 29 - 957 - 118505 - 22

LAEGERUNG

Wiener Stadt- und  
Landesbibliothek

13636 A

MA 9 - 50 25 - 20 - 957 - 118595 - 22



# Die belägerung der Statt

Wien in Osterreich/von dem aller graw  
samesten Tyrannen vnd verderber der Chriſten  
heit dem Türckischen Kayſer/genant Sultan  
Solimayn/Neulich beſehen/Im Mo-  
nat September des

1529.





**A**ls die Türcken O fen  
vnd anders in Hungerlandt  
Erobert vñ eyngendommen/ sein  
sy eylandes fürtet gen Wien ge  
ruckt/ vnd am xxj. tag Septem  
bris ein hauffen vber den andern  
daselbst zu Wien ankomen / dye  
Stat bereit / vnd besichtiget/ etlich Schar mügel  
mit dem Kriegsvolck so in Wien gelegen sein/ gehal  
ten/ vngt so lang der Türckisch Kayser aigner person  
mit Hös krafft am Sampstag den xxvj tag gemelts  
Monats Septembris auch ankomen ist. Der hatt  
fünff grosser vor vnerschuer Läger. Nemlich da er  
mit aigner person gelegen/ das ist gewesen vnder S.  
Marx kirchenn auff dem Keisweg / für Symering /  
vnd schier gar gen Schwedart vngenerlich annder/  
halb meil/ oder aber ain grosse meyl wegilang in dye  
Kundy gar zum Wienerberg langend / Das ander  
läger/ nach lenge des Wienerpergs vast groß / Das  
dritt vor dem Burgkthor bey Sant Vlrichs kirchen/  
Das vierdt bey Symering/ vnd dem gepürg gegen  
sant Veitt werts/ Vnd das fünfft bey dem wasser  
wol oberhalb des Schottenthors/ da das die Türcki  
schen Nassadisten/ sampt andern heuffen gelegen sein  
geschlagen. Also das die selben fünff läger mit ander  
en einschichtigen gezelten/ wie man die vberschlagenn  
hat/ vber vierzig tausent zelten gehalten haben / das  
bey die macht der Türcken wol abzunemen/ vnd die  
bis in dreithalbhundert tausent geschäget worden ist.

Vnd zu vor ehe dann der Türck aigner person hie  
vor ankommen ist/ Sein durch die Kriegsuertendige  
en all gepew vnd wören an der Stat Wien notdürf  
tiglich besichtigt/vñ befunde vñ beschlossen worden/dē  
Uerwgeschutten Waal/der vmb all Dorstett gangen  
vñ hertter mühe vñ grossen vnkosten erpawt worden  
ist/züuerlassen/wie dann beschehen vñnd zu stund an  
vngewerlich vier tag vor/vnd gar bis zu des Türckli  
schen Kayfers ankunfft all Dorstett zu Wien abge  
priennet worden:

Inn sollicher zeit ist der Sagkman allenthalben  
gangen/vnd der Türcken vorttaben/fort vbersich ge  
ruckt/alles verhödt/verpriennet/vñnd treffentlich vil  
volcks/von Man vñnd Frauen/auch die kinder ge  
fangen/deren vil erbärmlich zerhackt/vñnd wie die  
gefangen Dürcken angezeiget haben/ bey vñnd vber  
Dreyssig Tausent personen allenthalben weg gefürt  
was nit geen mügen/haben die Türcken/wie yetzge  
melt ist/erwürgt vñnd getödt. Vñnd wie angezeiget  
worden ist/so haben sy das Land Osterreich vnder  
der Ens/vast gar an das wasser die Ens alles ver  
heeret/verpriennet/verwüst vñnd geplündret/Doch  
was enhalb der Thunaw gelegen/ist vast gar vnuer  
seret beliben/dann die Türcken der Thunaw halben  
am andern tail des wassers wenig schadens thönn mü  
gen/doch so sein auch die Stett/so vmb Wien gelegn  
aufferhalb Prugg an der Leytta/vast all vnbezwing  
en vñnd von dem Türcken vnerobert beliben/ Aber  
das Gey gar verheert vnd verpriennett worden.

Miler zeit habē auch die Türckischen Nassadistē

all prügken an der Thunaw vñ Wien eingensien  
vnd die all/on die schlachprügken bey der Stat Wien  
abgeworffen/vnd die/sampt dem Taber verprennet/  
vnd dem kriegsvolck in Wien all profant vñnd hilff/  
so jnen zü hette mügen komien abgestrickt/vnd mit ge  
weltigen hauffen die strassen vnd paf verlegt.

Vñnd wiewol die Kün. May: zü Hungern vñnd  
Beheim ic. vnser gnedigster Herr zü gegenwdr: der  
Türgkischen Nassadisten mit trefflicher schiffartt  
zeitlich fürsehung gethan/vil grosser vñnd klayner  
welcher schiffe zü richten vnd mit nottürffrigem ge  
schüg fürsehen lassen/so ist doch das mayst/das ist dz  
volck darzū gehörig/als Gallioten vnd ander der sa  
chen erfaren/abgangen/deren mantägliche/sampt jr  
em oberstem/Herren Nicolaen Rauber/der sy bestel  
len sollen/gewertig gewesen/Aber der nye erwartten  
mügen. Vñnd damit dannocht solch berayttung der  
schiff den feinden nit zü teyl worden/haben das kriegs  
volck in Wien die versencken/vñnd was ander schiff  
gewesen sein/verprennen müssen/ Jezo ist denen zü  
Wien kuntschafft komien/das obgemelt Gallioten al  
ler erst zü Krems ankommen/So nu die schiffnung  
darzū sy bestellt verwist worden sein/aber wo sy bey  
rechter zeit zü Wien ankommen weren/so hetten das  
kriegsvolck zü Wien/on zweiffel die prügken vnd den  
paf auff dem wasser wol vnd leichtlich erhalten mü  
gen/damit jnen hilff rettung vñnd profant zükomien  
were/das durch langsamheit villeicht verweilt vñnd  
verabsampt worden ist/ Deshalben das kriegsvolck  
in Wien an allen orten eingethan gewest ist/vnd gar

wenig oder vast gar kein bottschafft weder cyn noch  
auff zu Rün. May. gehabt mügen.

Die Burger obbemeltet Stat Pungl an der Leyt  
ta haben sich dem Türglischen Kayser ergeben / dar  
auff der kayser jre Ambassaten oder pottschafften mitt  
eerklaiden von Samiat begabt / vnnnd sy damit vor  
allem seinem volck vnbelestiget gelassen / Nach dem er  
der Türck aber die Stat mit schlechten eeren verlass  
sen / so acht man darfür / die gedachten burger / sampt  
andern / so in seiner potesttat sein / müssen des entgelten  
vnd den Samiat wol bezalen.

Andes Türgken herauff eylen gen Wien / hatt er  
sich für Altenburg / das Schloß gelägeret / das dann  
mit Drey hundert Beheimen besetzt gewest ist / vnnnd  
das auffgesodert / vnd damit on alle notzwang durch  
der Beheim vnd jr Hauptleüt klaimmütigkair vñ ver  
zagheit / vnbedacht jrer Leren eingenommen / die sel  
ben Beheim oder Nerbern jre lebens gesichert / vnnnd  
die mit jme bis für die Stat Wien gebracht / in may  
nung / die fürter an jr gewatsam zübelaiten / wie dan  
villleicht beschehen ist / vnd hat denen in Wien gedach  
ter Türglischer Kayser einen der selbenn Beheim / so  
teütsch kundt / zügeschickt / mit der werbung / souert dz  
kriegenvolck in Wien die andern Beheim / so zu Alten  
burg in der besagung gelegen / bey jnen haben / so wolt  
er jnen die all vber liffern. Dar auff das kriegenvolck in  
Wien den selben Beheimischen gesandtē / sampt zwoey  
en gefangen türgken widerumb in das türglisch läger  
zum kaiser mit diser antwort abgefertiget / das sie zü  
vor in der Stat Wien nur zühil volcks heten / vñ der

Beheimen gar mit bedürfften/sonder er möcht mit dē  
selben Beheimen/nach gelegenheit irer handlung vñ  
seines zusagens wol handeln vnd verfahren ic vnd ha  
ben dabey jedwedem türgken/die sie das kriegsvolck  
in Wien dem türcken zūgeschicket/zwen Hungerisch  
Ducaten geben.

Dann als der türgk erslich die Stat Wien beren  
net/habū die in Wien ein hauffen Reüter zum schatz  
mügel hinauf vnder sie gelassen/aber die vonn Wien  
ain zimlichen schnapp vnd mit wenig erschreckens/dar  
an das maist gelegen ist/genommen/die türcken der  
en von Wien Reüter/dar under Graff Hansen von  
Hardegks Venderich vndergangen/ettlich gefangen/  
vnd dem kriegsvolck in Wien/doch außserhalb des  
Fendrichs in die Stat geschickt/vñ einem jeden zwen  
türkisch Ducaten geben. Mit diser verstrickung/dz  
die selben Reüter denen inn Wien anzeigen sollen/so  
ferr sie dem Türckischen kaiser die Statt vbergeben/  
so wolt er fürte fürtrugken/vnd weder er noch sein  
volck in die statt kommen/sonder den Künig süchen/  
wodit/so wolte er als dann am dritten tag dar nach/  
das ist am Mittwoch Michaelis/dz frömal zū Wien  
in der Stat essen/vnd das kinde in Mütter leib ver  
wüßten/vnd nur vbel mit denen so in Wien werē vñ  
geen/Aber die Antwort haben die in Wien in der sei  
der stecken lassen vnd sich zūgegenwöre gerüst.

Der gemelt Türgk/hat sich sunst zwyschen Altens  
burg vñ vñ Wien/wenig fleckē zu erobern vnder wü  
ben/Sonder stracks gen Wien geeilt/Beforgent Ad.  
Mayestat versammlung vnd zūsamē kunfft/die er dē

Kriegsvolck in Wien maysterlich vnderkommen vnd  
d3 loch verrenit hat/ Des gleichen/ so hat er Priesburg  
Schloß vnd Stat wenig angefochtenn/ dan dasselb  
schloß mit sechs hundert knechten vnd mit Wolfgan-  
gē Oeder als Hauptman/ vñ die stat mit drey tausent  
Behemen besetzt gewesen/ dasselb volck hat dem Tür-  
cken an seiner schiffart/ sonderlich den Nassarn grossē  
vberdrang vnd abbruch zūgefügt.

Vnd als sich nun der Türck für die stat Wien gele-  
gert/ hat er zū stund an die Vorstet allein vor dem kár-  
nerthor mit seinē Janitschern vñ bychsen schützē / mit  
dē halb hagken bychsen eingenommen/ vñ sich vnder die  
verpennen eden gemein mit iren handtoren gelegert  
vnd damit so ain vnchristenlich schießen bey tag vnd  
nacht angefangen/ das on vnderlas vnmenslich ge-  
triben/ vnd souil gewert/ das sich das kriegsvolck yn  
Wien auff dem gemein für die zynnen mit wol plegken  
oder sehen lassen dürffen/ vnd jnen damit vil schadēs  
zūgefügt. Vnd vnder dem selben tust vñ hall des  
trefflichen schießens/ haben die Türcken angefan-  
gen durch vñ in dē stat graben gegen dem kárnerthurn  
darauf dreü güte stück bychsen gelegē/ vñ zū dē gemein  
zū nechst darbey/ Auch zū der Burgk zū graben/ in mai-  
nung vñ fürnemens die selbē gemein vñ thurn zerspie-  
gen/ wie er dann zum tail gethon / vnd jne durch de-  
ren in Wien beffrig gegen graben/ mit alles gewennet  
hat mögen werden. Doch so habenn das kriegsvolck  
in Wien die Thurn vnd Burgk mit gegen graben er-  
halten vnd jnen ic gepew antrossen/ vñnd sy dauonn  
getriben.

Aber am Samstag den neündtē tag des monats  
Octobris hatt der rüßk an den platz neben dem kár-  
nerthurn bey sant Clara kirchen vunder ainist zway  
grosse loch an der maut gesprengt/ yedes bey zweliff  
klasstern/die maut gar weg genommen/ vnd deren von  
Wien knecht/so auff den selben tailen der maut gestä-  
den/etlich im sprengen verfelt vnd verschüt/ vnd sein  
doch vnder denen/so mit der maut in graben gefallen  
vnd gesprengt worden/bey vier personen widerumb  
vnuersert in die stat gelauffen / Darauff zů stund an  
die feind den sturm gewaltigklich angelauffen / Ab-  
er durch die trostlich gegenwēte bald wyderůß zů rügk  
getriben worden/darob die feind zimlich grossen scha-  
den empfangen/vnd wo sy lenger stand gethon/ ein  
vnsauber Cassate erlytten hetten.

Nach solchem sprengen/ sein sy am andern ort des  
kárnerthurns mit dem graben gegen dem gemeüt ver-  
faren/vnd damit am montag den ailtfften tag Octo-  
bris fertig worden/an demselben ort dz gemeüt auch  
gespreigt dē sturm darauf zů stundan angelauffen vñ  
wyderůß wieuor seuberlich durch das kriegsvolck in  
Wien abgfertigt worden/mit merern schaden der iri-  
gen/dann am vorigen sturm beschehen ist / dan sy da  
selbst zů etlichen malen/allweg mit geraffen hauffen  
angelauffen/aneinander ersetzt / Aber doch nit langē  
stand gethon/An dem selben sturm ist auch ein jun-  
ger Graff von Ottingen/so vnder den Langknechten  
gelegen/durch deren in Wien kriegsvolck aigen sewe  
werck / das sie vunder die feynd werffen wōllen/ver-  
preunt worden/doch so ist er mit leben dāgen komen

Vund

Vnd am Erichtag vor sant Colmans tag/ den xij  
Octobris haben die seynd neben yerbemelten ort ab  
ermals gesprengt/ den sturm darauff angelauffen ab  
er auch mit lanngen stand gethon.

Am Nitwoch Colomani den xiiij tag octobris ha  
ben die Türgken bey obgemelten zwayen lugken vn  
derhalb des kärnetthors ein gros loch / dergley chenn  
bald darnach/ bey den obern zwayen löchern bey sant  
Clara kirchem / oberhalb des kärnetthors/ die maut  
weit weg gesprengt/ vñ vnder dem selbē spægen/ sein  
abermals etlich knecht/ so mit der maut in den graben  
gefallen / widerüb herein gelauffen/ die seind aber an  
baiden orten angelauffen/ mit mit wenig volcks / vñ zñ  
stand widerumb zñ rugk gewichen.

Vnd die weil dann die maut zñ baiden tailen der  
massen geraumpet vnd nider geworffen worden/ das  
der Türgk mit gütten praiten ordnungen den sturm  
hette mögen anlauffen/ hat sich der Türgkisch kaiser  
entschlossen gehebt am donnstag dz ist dē xiiij tag oc  
tobris/ mit aller macht allent halben an der stadt zñ  
stürmen/ Vnd souil volcks gegen der stat verordnet/  
das des kriegsvolck in Wien der grossen menig hal  
ben kam vberschlagen mögen thon/ wievil deren bey  
leuffig gewesen sein/ Vñ als sy der stat genahent habē  
die in Wien mit irem grossen geschüg inen der massen  
zñ gesprochen/ das sy die Türgken/ sonderlich auß dē  
vorigen salat vnd fertigung wenig luste zñ stürmen  
gehabt haben/ Derhalbē etlich vil zñ ros mit blossen  
säbeln vñ prügeln hinder den hauffen gestanden / vñ  
die angetriben. Aber sy haben kurz dē suchs nitt wöl

len beyssen/dann so bald ain oder zwen hauffen angezogen/so sein die andern widerumb zu tugt durch die weingerten aufgewischt/das ain gute lange zeyt gewerdt/Aber alles nit helffen wollen/bis so lang sy allwyderumb abgezogen sein.

Da nun der Türgkisch kaiser die zagheitt vnder seinem volck ersehen/die kelten vn winter zeit angangen die Jänitscham vnd ander sein best kriegsvolck vnrwillig worden/vnd kurz nit lenger bleyben wölle hat sich der Türgk pagken müssen mitt seiner aigner person am donstag zu nachts vngeuerlich vmb neun vt mit seinem leger auffgebrochen/vnd also für vnd für ein leger nach dem andern verrugt bis an freitag den xv.tag octobris frü ist der Wascha auf Wossen auch abgezogen/Welchen weg aber der Dürgk haim wertz nemen wirdet/kan man nit wissen/Doch so sagen die Türgken die man täglich vber kompt vnd sacht/Der Türgkisch kaiser werde zu Ofen vberwelen vnd der selben ende ab/hängziehen.Gleich wol ist auch zuermüthen/das ain starcker hauffen sonderlich die Wossner iren weg durch Wyndisch land oder Steyrmareck nemen werden:

Allgefangen Türgken bekennen das der Jänisch weida zu Ofen lig/Doch mit Dürgken wol verhält/Also das er on jr vor wissen nicht handeln noch fürnemen bedarff/auch nicht wol abziehen mag.

In obbemelter zeit des sprengens vnd Stürmens ist durch das kriegsvolck in Wien/von dannen zu die vorstert daseibst vmb/die verprennt sein/ein aufffall beschehen. Der maynung die Türgken mit den handt

roren / die vnder den öden gemeinen gelegent sein zů  
vberfallen. Aber sy seyn dermassen verpolwerckt vñ  
mitt Gräben versehen gewesen / das das kriegsvolck  
inn Wien jnen wenig abbruch thun mügen / sonder  
sy haben hefftig vnder das Kriegsvolck geschossenn  
vill beschedigt / vnd vnder anderm / Hauptman wolff  
hagen vñnd einen jungen Steinbeiß erschossenn / der  
seel Gott gnedig sey. Also haben die vnser vast mitt  
gleichem schaden der feinde abziehen vñ auff 8 Mau-  
eren müssen / Aber kain Man lebt diser zeyt der vñ  
handtoren so hefftig schiessen tag vnd nacht on vñnd-  
laf erhört hat.

Sonst haben die Türgk kein grösser geschüß / das  
Falkonen vñ Falkonetten gebrauchet / auff die Mau-  
eren vnd heuser geschossen / allain dieweil jnen das  
Graben am löwerturn gefelt / habē sy ein grof haupt  
stück / so ein grossen stein geschossen auff dē selbē thurn  
gericht / vnd damit die Zinnen vnd angeschütten vñs-  
ser allweg genommen / biß dz Kriegsvolcks in Wien  
mit stercken Bolwercken fürkommen / da haben sye  
den abent / als sy dar auff weg gezogen / davon gela-  
sen / vnd die Püchsen weg gefürt vnd je Schanzenn  
verprennt.

Am Sambstag den xvij tag Octobris / hat der Vn-  
ser wascha / der noch mit seinem hbt nit auffgebrochē  
was ein schreiben in die statt Wien inn Italianischer  
sprach gethan / des Sumarium / als hette der Türgk  
isch Kayser vermaynt / die Kün. Mayestat alda zűer  
greiffen / vñ nit anders gewiſt / das jr Mayestat wer  
auch zů Wien bey jr May. kriegsvolck / dieweil er ab

er erinnert/das jr Mayestat anderwo were/hette  
er auch seinen abzug genommen dan sein maynung  
nit gewesen/gegen dem Kriegsuoelck in Wien/in ab-  
wesen Kün. May. zünerfaren/hert sich auch genugs-  
lich versehen Küniglich Mayestatt solle jme in der  
zeit/dieweill er vor Wien gelegen/ein Schlacht gelis-  
fert haben/derhalben sy dann gar vonn der Türgkey  
aufgezogen vnd mit grosser begird darauff gemerckt  
haben/Dā mit solchem schreiben hat er vor gemelten  
Geass hansen von Hardegks sendrich zedlig genant  
frey ledig/sampt einem des Kriegsuoelcks zū Wiens  
Keytter in die statt geschickt vnd jme zwen gemusier-  
te Seydine Rōck auff Türgkisch Manier gegeben/  
Entgegen haben das Kriegsuoelck in Wien auch ein  
Türcken so ein Edelman gewesen vnd noch ein Türg-  
ken mit jm hinauf geschickt vnd auch frey ledig gela-  
sen vnd jnen baydem Bey sechs guldin Keynisch /der  
Münz des Newen schlags in Wiener besetzung ge-  
geben. Vnd jnen befolhen dem Imbri wascha anzū-  
zaygen dieweill er denen vonn Wien einen Edelman  
vnd knecht widerumb ledig geschaffen/das sy jme ge-  
leicherweyse einen Edelman vnd knecht widerumb  
zuschickten/vnd ob er mer gefangnet Christen habe/  
So wöllen sy allwegen gegen dem selben/nach gele-  
genhait yedes stands/ayn Türgken ledig lassen/Mit  
ditem anhang. Wiewol er jnen sonst drey personenn  
(die nitt Kriegsleut sonder droffer gewesen sein) in die  
Statt Wien geschickt/vnd sunst keinenn gefangen  
mit habe. Vnd sy sollen jme dagegen auch alle ge-  
fangen Türcken hinauf auf der stat geben/vnd nach  
jrem willen/frey sicher in jr der Türgken läger auf vñ

ein wandlen/ on meniglichs irung/ oder besognus  
ayniches schadens/ So werden doch obgemelt die y  
drosser nach irem verdienen belonete das ist dar umb  
beschehen/ Nach dem der Imbri wascha den selbst  
dreyen vnachtsamen personen/ etlich gelt geschenckte/  
hat dem kriegsvolck yn Wien geschwauert solchs were  
nit umb sonst beschehen/ vnd jnen vsach gebenn/ die  
selben drosser fenglich anzunemen/ vnd ferrer/ dann  
auff den Ayd züfragen/ wie dann beschehenn ist/ dar  
auff sy ainheyliglich bekennet/ das jnen sollich gelt da  
rumben geben worden sey/ das sy die statt Wien an  
zünden vnd verpfeunen sollen/ hierauff sein sy all drey  
am Sonntag den xvij. Octobris gefiertaylt worden  
vnd damit iren verdienten lon empfangen.

Ferrer so zaigen alle gefangen an/ die vnsern vn die  
Türcken das der türckisch Kayser vnder der gemain  
seinem volck zügeben lasse. Wie das man im von der  
statt Wien vnd landswegen Tribut zügebenn züge  
sagt/ derhalben/ vnd dieweil Rün. May. aigner per  
son zü der schlacht nit vorhanden gewest/ hab er allso  
seinen abzug von dannen genommen/ vnd sich mit  
dem Tribut benügen lassen.

Vnder anderm hat auch das kriegsvolck zü Wien/  
Am ersten als sich die türckischen Büchsenzügent/  
für das karnert hor in die ödē ment gelegert/ mit zwey  
en fendlin knecht/ darunder auch die Spanier gewe  
sen/ einen aufffall vnder sy gethan/ vnd der seinnd vil  
erlegt/ darunder der Janitscharn oberster hauptman  
vnd sonst noch etlich gewaltig hansen von türckenn  
zü grund gangen sein aber der vnsern ist schier kainer  
belüben/ on ein fendrich ist geschossen worden/ vnd sol


lichschuf zu Wien gestorben.


Dann so haben die türcken vast all weingärtten/sonderlich die in der Ebne vmb Wien gelegen seinn/verwüßt vnd vast vil Reben abgeschnitten/vnd mit wurzen vnd mit all aufgezogen / peusch darauf gemacht/damit sy zum starcken die Gräben hetten mügen füllen/ Aber doch der weniger teil in die Gräben kommen/sonder im feld ligen beliben/vnd ist wol züge dēken/wo die kelten nit so gächling angefallē wer/die den türcken zum abzug gebracht/das kriegsvolck inn Wien hette ein grof schnapadi vber steen müssen/daz aber alles der Almechtig fürkommen hatt/dem eer lob vnd danck gesagt sey/allain ist z̄ber barmen/daz man den Türckischen hundert/auff den vnsäglichen schaden vnd spott/so er yetzo mit verderbung des lands wegführung vnd m̄rdung/sonil Christenlicher menschen derten v̄s Wien bis gen Lennf als man acht oß L. M. allain vmbkommen/sein/zūgefügt hat/also frey vnbekümmer abziehen müssen lassen. Vnd hette Got/ auch die künig. Maye. vnd das eberlich from kriegsvolck/nit das böst an Wien gethon/so wurdenn vil leycht die yhm Keych seiner macht wol empfunnden haben/Dann die so inn Wien belegen vnd allenthalben nit vber cr̄ij: M. personen starck/darüber Pfaltz graff Phillips als oberster vber die Reichshilff / Niclas Graff zu Salm oberster feld hauptmann vber Kün. May. kriegsvolck Wilhelm freyherr zu Roggendorff oberster feldmarschalck Leonhart freyherr zu Dels herr Eitelck von Reischach f̄st̄knecht obrist/herr hanns Caciaer vnd Herr Niclas vom Thurn oberster gewesen sein/haben der Türcken vnsägliche

macht mit der schlacht oder nachtrayßen nit begegnen  
dürffen: Dar umben sich meniglich auff künfftigen  
Summer zu widerstand der Türgken woll hatt zu  
versehen vnd zürichten/dann kompt der Türcck wi  
derumb mit solcher macht/als versehenlich ist/vnnd  
wir mit vnser hulff vnd gegenwärt widerumb so lässig  
sein werden/so ist zübesorgen/das er den paß vn straf  
frey bis genn Colen nach vermüg der propheete/ die  
lang lautmerig gewesen/einnemenn werde/ das der  
Allmechtig verhüten wölle.

Post scripta sein am xix. tage Octobris ettlich des  
kriegsvolcks zu Wien gerüsten vnd geraisigen pferde  
auf Wien gefallen vnd sich auff zwü strassen/ Nem  
lich die ringen pferde vber den wiennber/ vnd dye  
gerüsten pferd auff Swadorff werth/geben/die tür  
cken so sich mit dem Sagkman versampt / auff zü  
flauben/Also sein dern von Wien ringe pferd/an ain  
mere anzahl/dann sie gewesen/gestossen/die vil ge  
fangen gefürt/vnd als die türcken die vnseren ansich  
tig worden vnnd erkennen haben / das ire feinde vor  
handen gewest/haben sie züstund an angefangen/die  
gefangen Christen nider zü hacken / In dem habenn  
vnser Husarn in sie gesetzt vnd die fast gar erlegt/also  
das von lxx. nur vj. danon kommen sein/Aber an die  
gerüsten pferd ist auff disen Ritte an das nachtraben  
deren nit vber xx. pferde gewesen sein/bis in xl. türck  
en gestossen/Also habē die vnsern dabey Herr Hans  
Cacianer gewesen/die türcken in die flucht bracht vn  
deren etlich erstochen/darunder auch Herr Wilhelm  
von Herberstein ain arm abgefallen/vnnd sonst der  
vnser nur einer beliben.

Handwritten text, likely bleed-through from the reverse side of the page. The text is mirrored and difficult to decipher due to the bleed-through effect. It appears to be a list or a series of entries, possibly related to a historical record or a collection of items. The text is written in a cursive script typical of the 17th or 18th century.





4940  

---

N 5

---

XXIX  
1683

